

Paul Martin imenovan za novog šefa OHR-a u Banja Luci

Visoki predstavnik, Wolfgang Petritsch, danas je imenovao kanadskog diplomatu Paula Martina na mjesto zamjenika visokog predstavnika i šefa OHR-a u Banja Luci, na kom će zamijeniti Georgesa Bordeta. Gospodin Martin, koji je već došao u Bosnu i Hercegovinu da bi se detaljnije upoznao sa trenutnom situacijom, preuzeće dužnost od gospodina Bordeta 19. februara.

Gospodin Martin na svoju novu funkciju donosi bogato iskustvo. On je dvije godine obavljao dužnost specijalnog izaslanika visokog predstavnika za dobojske općine, do novembra 2000. godine, a 1996. i 1997. godine bio je zapovjednik stanice i zamjenik oblasnog zapovjednika IPTF-a u Banja Luci. Gospodin Martin je započeo karijeru u kraljevskoj kanadskoj konjičkoj policiji (*Royal Canadian Mounted Police*) te je obavljao veliki niz različitih dužnosti u kanadskim predstavništvima u Evropi. U Ottawi je bio odgovoran za saradnju kanadske vlade sa velikim brojem međunarodnih organizacija.